

1343, 24 dicembre.

XIV

IV, II, 14 v.

(*Protocollo c. s.*). Die uicesimo quarto decembris. Pateat omnibus per presens publicum instrumentum quod reuerendus in Christo pater et dominus dominus Dominicus dei gratia archiepiscopus supradictus dilecto sibi in Christo Nicholao nato discreti uiri magistri Jacobi de Padua medici physici salariati comunis Spaleti, licerate persone ascribi cupienti milicie clericali, primam tonsuram cum corona capitis duxit iuxta ritum sancte Romane ecclesie concedendam. In cuius rei testimonium presens scriptum dominus archiepiscopus sigilli sui iussit appensione muniri ad maiorem certitudinem predictorum. Actum Spaleti in ecclesia sancte Marie capella ipsius sepedicti domini archiepiscopi iuxta Sdorium, presentibus fratre Donato de Padua ordinis predicatorum, ser Thomasso condam ser Luchari de Spaletto et domino Gregorio Johannis Vitalis testibus, et aliis.

XV

1344, 3 gennaio.

IV, II, 15, 17.

(*cc. 15*): In dei nomine amen. Anno a natiuitate eiusdem millesimo trecentesimo quadrigesimo quarto, indictione duodecima. Regnante domino Lodoyco serenissimo rege Ungarie, ac domino nostro domino Andrea Dandulo dei gratia inclito duce Veneçiarum, temporibus uenerabilis patris et domini domini Dominici dei gratia archiepiscopi Spalatensis, egregii et potentis uiri domini Johannis Dandulo honorabilis comitis, ac nobilium uirorum dominorum Serechie Luchari, Gregorii Petri et Nichole Duymi Peruosclau iudicum dicte ciuitatis Spaleti.

(*cc. 17*): Die tercio ianuarii. Ser Jacxa condam Petri Petrache et Duymus Auancii ciues Spalatenses, coram me notario, testibus et examinatore infrascriptis, ac eciam in presencia fratrum tam conuentualium quam hospitem loci fratrum predicatorum de Spaletto, scilicet, in presencia fratris Demitrii Albanensis de Duracio prioris dicti conuentus Spaleti, fratris Johannis de Braç prioris Nonensis, fratris Martini de Jadra lectoris, fratris Petri de Nona, fratris Donati et fratris Elyni Paduensium, fratris Laurencii et fratris Michaelis Sibenicensium, fratris Basillii Turconi et fratris Pauli Albanensium, fratris Gregorii et fratris Augustini de Spaletto, ibidem ad sonum campane ut moris est pro suo capitulo ad infrascripta specialiter congregatorum, fuerunt confessi et uere manifesti per presens publicum instrumentum, quod omnes et syngulas et uniuersas